

四明叢書

張宗祥



畏齋集卷二

元鄞縣程端禮敬叔撰

五言律詩

春日

年少逢春日歡呼喜欲狂
隨人折花柳約伴釣池塘
三十忽在眼萬愁催我腸
至今春日至轉覺意茫茫

送王季方入都

美玉良金質忠臣孝子門
才名惟賈誼學行得何蕃
胸次涵千古毫端吐萬言
朔南從此別文酒會重論

一夕夢與人賦詩得前四句因有所感遂足成之
計世身何拙談經舌尙存三年從閣老一飯識君恩水
竹溪邊碓山花舍後園老親頭雪白稚子候柴門

次杜彥通韻送唐漢卿司丞得代歸燕

學問涵天祿家聲著柏臺鹽車行峻坂驥足見高材詩
思看花去歸程伴雁回會言民力困田里得眉開

挽阮申之縣尹

官淹六載久仁浹萬家深境絕石壕吏堂清單父琴云
亡昧天意走哭見民心安得百元結令予淚不禁

送項伯晉歸台之仙居

泮水師經術侯門禮上賓
霞城動歸興藜杖及新春
住占神仙宅行知來往津
君歸憑問訊吾亦此山人

客中看月

得吹字

郎川今夜月客子獨看時
光彩明纖末鄉關苦蔽虧
驚烏難自定短笛且休吹
漂泊疑非我尊前舞爲誰

滹沱

有事滹沱古爲川浸迄今
蕭王冰渡急馮飯恩深浪
湧驚車馬星搖見嶽岑
同舟欣旣濟得句慰歸心

寄單幕王三通叟二首

詩酒別豬後寂寥今年十年逢迎長自失衰晚復誰憐虎
鼠遭時異龍離得路偏故人輿論許風格稱紅蓮
年少各輕別相望今兩翁聯吟無客與把酒待君同梁
苑花陪雪隋隄雁趁風坐尋南北意流落半生中

諸將

諸將嚴威少三軍部伍繁追求無隙地慟哭有千村天
下歸仁政今朝仰至尊共傳寬大詔早晚到黎元

寄王仲肅三首

好在王經歷邦人說下車指揮清案牘談笑到詩書曉
幕香迎馬春闈食薦魚大刀煩寄贈心折憶吾廬
聞說西京學金源舊制存兩公違配享列坐失常尊藩
府多才彥宮牆入討論勒銘須大手不朽在功言
莫怪音書少雲中使到稀愁邊成悵望夢裏想容輝鐵
騎通南徼江鴻困北飛濁醪聊自遣一醉解春衣

寄張伯任

糗殺羊羔酒城南吏隱家攢眉哦柳絮呵手看梅花官
給桃花米鄰分薄荷茶誰憐山寨吏冷廟作官衙

留飲城南寄漢翔諸君子

盡以思親恨裁成寄遠詩墨濃多是淚語苦不勝悲桐
影風清處楓林月上時向來迎送地經過幾相思

丁丑正月四日縣尉陳子淵見招司理黃仲疊處

士謝彥實州判葉敬常同會仲疊有作次韻一首

老逢人日至喜見泰階平酒借衰顏渥梅欺素髮明惟
知飲文字不復計盃行豈但燭頻繼兼煩僕屢更
臘酒供春酌新詩換舊題巧聞禽語變黃見柳容齊遊
但隨藜杖食從之裏蹠招邀話耕讀近在村東西

睦士何聲伯管庫於鉛山友朋多言其才美余於
歲暮方以得見爲喜又惜其去作詩以送之

讀經還讀律爲吏本爲儒管庫官能富大夫才豈無窮
冬催日短朔吹吼枝枯誰念客衣薄忍令田園蕪

歸烏

憐爾甚微細猶能有識知尋舊巢處不失暮歸時飲
啄樂終日依棲足一枝人生真爾愧役役竟何爲

丙午代人送頓尉九首

職卑兼邑小之子獨聲名信孺官誰羨張綱志欲行涼

風關塞靜秋水江湖清塵土何曾浣還家尙濯纓

作尉建平縣讀書郎水傍萬家開外戶匹馬放斜陽
渤海無佩懷沈猶慙飲羊三年爲政促他日去思長

黎老送迎熟君行獨歎嗟此心無一寸遺德及千家
佳識符鷓鴣雄篇奏鏤鄒斯人未易識悃悃更無華

前有王明府于今見頓公建平三十載清節兩人同
雅量崇忠厚高才喜事功所存雖小異俱有古人風

維舟張祖帳秋水色鄰鄰行李離南紀殊恩出北宸
難忘前日政愁殺去思人搖落郊原靜不堪回首頻

建平頓縣尉善政返淳風四野牛羊被三年囹圄空何
修能致此不欲是爲功流俗輕吾輩真儒見此公

三年郎水尉善政起疲民小邑淹黃綬高名動紫宸滿
塗旗獵獵把盞酒頻頻雲路瞻佳士柴門任此身

昔日頓夫子金沙識又成西風動行李北斗帶京城烏
府標孤映青驄會眾驚三年遺愛在回首一含情

郎川三載尉又見送君行政事原儒術功成屬老成律
回燕谷暖冰置玉壺清舟發金沙驛西臺聽一鳴

念舊二首

淮漢終然別風霜未肯休
阮公渾得醉賈傅漫深愁
白雁來何暮黃柑美易求
且隨辭越艇兼泛逐波鷗

粗糲從吾賤金珠付汝求
詩書江左客日月海東州
城暗枝枝柳波明對對鷗
舉杯時事改慘淡一登樓

晚眺

漠漠復漠漠魚龍氣吐成
江風吹欲斷沙日暝還生
遠著浦帆溼低連烟雨平
滄浪垂釣者對此愜幽情

新竹

月池添竹影風林帶簾聲
白非綠粉婉節本挾霜清
未

怯翠袖薄永偕朱鳳情何當老嶰谷也作黃鍾鳴

大雲寺

脩竹藏低屋高峰擁大雲深居無客至幽意與誰分
梅蕊添僧臘苔痕寫梵文夜深山犬吠庭葉落紛紛

挽靜齋邢公二首

自獻河汾策言歸甫里居時危聞善善身潔去舒舒子
弟教惟謹琴書樂有餘使公爲將相較此謂何如
昔有黃承事功歆紫府君今公緣賑恤戮力事耕耘獨
行哀榮備諸郎仕學聞誰言天道遠報德已殷勤

送疊山書院山長吳嶼南

德不患孤立有鄰言豈欺故令酌泉後來奉餓夫祠節
義存千古榮華止暫時人生無以異泯滅竟誰知

次林敬與山長韻

田歸無廢祠堂構有藏經此事真難紀何人與勒銘卽
山徵李渤投刃見庖丁泛泛隨時者何殊水上萍

送王君實都事赴內臺御史

久簡王祥孝兼思汲黯忠聖明無闕事繩糾趣居中風
正一帆速霜清萬宇同從容前席問爲述細民窮

春雨

日日春欄雨飛飛不肯晴天方爲生物吾特阻遊情委砌花何重銜泥燕自輕猶驚夜來夢身在隴頭耕

壽趙中丞迂軒二首

爲國生賢佐今朝孕上台清風儀十道鉅德冠三臺酒帶荷香舉筵隨水曲開神仙公便是何處覓蓬萊

今日生申甫熙朝位上公浮雲任舒卷喬嶽自尊崇豈弟膺多福神明簡大忠蘭臺中執法十道仰高風

壽判官吳大任

十一月二日

治平期第一通守職爲難今日酌泉操從人解組看已
同陽獨復未覺陰能干會見臨雍拜何庸數李桓

志士慕前修何曾與俗謀讀書三十乘種橘一千頭華
炬明瑤席春蟾漫玉舟主人趣爲具佳客爲淹留

代諸生壽王豈巖父仁齋

燈火萬芙蓉歡罄百觚商巖遲夢相魯國獨真儒絃
誦期成俗慎修爲永圖紛紛求福者誰解適茲途

五言排律

送陳希靜四明學官任滿三十韻

賤子東歸自陳侯北上時盍簪寧恨晚傾蓋已相知德
似太邱長文如右拾遺鳳飛離丹穴鵬徙志天池久抱
一鳴願殊愆六月期江南成汗漫歲月委班資賦擬天
台作山看赤堇奇鄭虔官固冷鄧禹志非卑久矣文風
墜嗟哉士習移渠渠空夏屋瑣瑣競刀錐子弟多無賴
典刑誰復師斯文終未喪識者有餘悲輿論歸常袞諸
生得翼之大鏞從叩擊宏璧敢瑕疵端使驕吝失真難
世俗窺量同黃叔度權避庾元規門有問奇客書無乞
米辭琴從子期聽吟和敬輿詩營邴誰云遠陳雷豈過

斯風霜雙鬢改薪水一車羸寂寞人難處迢遙志自夷
京城連北斗心跡滯南陲落木仍多感驪駒動去思衣
冠塞郭出舟楫與風宜仲舉志仍在元龍氣未衰才猷
從此展富貴恐難辭志豈關榮悴名期不磷緇顧余誠
淺薄揆分合棲遲騏驥方開道駑駘敢共馳直當三舍
退何止兩交綏

挽倪濟亭

我返草廬日君開花徑時坐盈文舉客筆快正平思弱
懿扶丹架圓荷颭碧漪按歌禽自舞行酒主忘疲樂飲